

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 30-yanvar, chorshanba № 8 (15646)

Аёл саодати



Аёллик — улуг бахт. Бу бахтга соҳиб эканингни эътироф этиб, сени қадрлашса, қалбингдаги сурур минг чандон зиёда бўлади.

Ўтган ҳафтада юртимиз хотин-қизлари ҳаётида бўлиб ўтган муҳим воқеа — Ўзбекистон хотин-қизларнинг республика конференцияси муносабати билан Президентимизнинг биз, Ўзбекистон аёлларига йўллаган табригини ўқиб, қалбимиз миннатдорлик ҳиссига лиммо-лим тўлди. Айниқса, Юртбошимизнинг «Ўзбекистонимиз эришган ва дунё ҳамжамияти тан олаётган марраларни эгаллаш йўлида бутун халқимиз қатори аёлларимизнинг ҳеч нарса билан қиёслаб бўлмайдиган ҳиссаси борлигини бугун яна бир бор чуқур миннатдорлик билан эътироф этишни зарур деб биламан», деган сўзлари шу муқаддас заминимизда яшаётган, меҳнат қилаётган, фарзанд тарбиялаётган ҳар бир аёлда юксак эътибордан фахрланиш туйғусини уйғотгани шубҳасиз.

Бугун юртимизда биз, аёлларга яратилган шароитларни ҳаёндан ўтказарканмиз, беихтиёр бундан йигирма-ийгирма беш йиллар олдин ким эдик-у, ҳозир қадримиз қай даражада, деган мулоҳаза кўнглимиздан ўтади. Бир пайтлар хотин-қизлар ва эркеклар тенг ҳуқуқли деган шиор остида аёллар ўз жисми ва назокатига хос бўлмаган меҳнатнинг оғир турларига жалб этилар, эркеклар сафида оғир саноат, каналзовурлар қазий ишларида қатнашарди. Истиқлолга эришгач, аёлларимизга муносабат ўзгарди. Улар эркеклар билан тенг ҳуқуқлилиги эътироф этилган ҳолда нафосати ва жозибасига путур етказмайдиган, жамият раванқига муносиб ҳисса қўшишини таъминловчи соҳаларга жалб этилди. Хоҳ масъулиятли вазифаларда, хоҳ уйда — болалар тарбияси билан шуғулланиш бўлсин, аёлларга юксак маиший ва меҳнат шароити яратишга эътибор қаратилди.

Қишлоқ жойларда қурилган намунавий лойиҳалар асосидаги, барча шароитларга эга, замонавий уйларда яшаётган аёлларнинг яшаш шароити, маиший турмуш даражаси шаҳардаги аёлларникидан асло кам эмас. Зеро, бир пайтлар ҳўл ўтинни ёқа олмай, кўзи ачишиб, ёшланиб, ўчоқ тагига пуфлаган қишлоқ аёллари шинам, ёруғ ошхоналарда оиласи учун мазали таомлар тайёрлапти. Шу боски улар тилида тинмай миннатдорлик сўзлари янграйди, қалбларида Ватанимизнинг нурафшон келажагига мустаҳкам ишонч тобора барқ уради.

Бадий гимнастика тўғрақлари ташкил этилиши, юксак даражада тиббий хизматнинг йўлга қўйилиши, ишлаш ва ўқишдаги тенг имкониятлар, иқтидорли, меҳнатқаш, фидойи опа-сингилларимизнинг давлат мукофотларига муносиб кўрилатгани ва яна биз, аёлларга яратилаётган кўплаб имкониятлар замирида халқимизга, давлатимизга хос олижаноблик ва юксак инсонпарварлик мужассамлигидан қалбимизда чексиз шодлик туямиз.

Аёлни, онани эъзозлаган юртининг йўли ойдин, халқининг шони баланд бўлади, дейишади. Инсоннинг асл улуглиги ҳам онасига, аёлига, қизига кўрсатган марҳамати ва ҳурматида намоён бўларкан. Шу гапларни шуурдан кечира туриб, юртимизда аёлларга кўрсатилган ғамхўрлик ва эътибордан кўнглимиз тоғлар қадар юксалди. Ва юксаклик баланд чўққилар билан бўйлашишига комил ишонч ҳосил қилдик.

Моҳигул БОБОЕВА,
Самарқанд давлат чет тиллар
институтининг ўқитувчиси.
Гавҳар АБДУЛВОСИ ҚИЗИ,
журналист

Истиқлол фарзандлари



Сардор Муллажонов фотокўлажи

Сизнинг ҳам ҳиссангиз бор



— Ўҳ-ху, мошинларни қаранг, ҳаммаси ўзимизники! — деди кўп қаватли уйларнинг бирида энг юқори қаватга кўтарилганимизда қишлоқдан келган қариндошлардан бири деразадан қараб. — «Иномарка»лар бизникиларнинг олдида...

Сал одмироқ ўзи, балки сал дағалроқ ҳам ифода қилгандир фикрини, аммо унинг эътирофи барибир менга ёқди. «Ўзимизники», деди-я! Эшитсангиз, одамлар қандай ажойиб гапларни топиб гапиришади, қаранг! Телевизорда кўрса-

тишганда, газеталарда ўқиганда, беихтиёр қалбимиз ғурурга тўлади. Ўзбек автомобиллари жаҳон йўлларида қушдек учишяпти-я. Мамлакатимизнинг турли вилоятларида, шаҳар ва туманларида очилаётган катта-кичик корхоналар, гигант

завод ва фабрикаларнинг қурилганини кўриб кўзимиз кувнайди. Аммо тан олайлик, барчамиз ҳам бу ўзгаришларга етарлича баҳо бера олмаймиз ҳамма вақт ҳам. Гўё ҳаммасига жуда осон эришилаётгандек, муаммолар йўлимиздан осонгина четланаётгандек, тинчлик, осойишталик, фаровонлик каби бебаҳо неъматлар шундоққина кўлимизга тутқазиб қўйилаётгандек туюлади гоҳида. Бироқ асло ундай

эмас. Қай биримиз аудиторияларда навбатдаги давлат имтиҳонига тайёрланаётган пайтда ота-онамиз, ака-опамиз, жуда «узоқ борсак», қайсидир юртдошимиз-жигаримиз ишлаб чиқариш корхонасида, давлат ё нодавлат муассасаларнинг бирида, илм ёки таълим муассасасида меҳнат қилаётган бўлади. Ким учун? Биз, фарзандларнинг, ёшларнинг келажаги учун, бизнинг бировдан кам бўлмаслигимиз, келгусида ўқимишли, зукко одам бўлишимиз учун.

(Давоми 3-бетда)

Талабанинг ўз корхонаси бор

Мутахассислар сут таркибида 160 хилдан ортиқ қимматли моддалар мавжудлигини айтишади. Кунлик истеъмол қиладиган овқатларимиз калориясининг 30-40 фоизи ҳам сут ва сут маҳсулотлари ҳиссасига тўғри келади. Демак, сут ва сут маҳсулотлари инсон саломатлиги учун ниҳоятда зарур. Бу ҳақда тиббиёт илми билимдони Абу Али ибн Сино «Тиб қонунлари» асарида алоҳида тўхталиб, сут ва сут маҳсулотлари болалар ва кексалар учун энг яхши озуқа эканлигини қайд этиб ўтган.



дошимиз ҳам дастлабки фаолиятида бироз қийинчиликларга дуч келди.

— Бошланишида бозорни яхши ўрганганимиз ҳамда ишлаб чиқаришдаги тажрибамиз камлиги боис, зарарга ҳам ишлаганмиз, — дея эслайди Абдулазиз Мўминов. — Ушанда сутдаги бор қаймоқни ажратиш олганимиз натижасида сифатсиз қатиқ чиқаверган. Кейин билдикки, сутнинг қаймоғи тўлиқ олинмас экан. Бундай воқеалар кўп бўлган. Шукрки, кейинчалик барчаси изга тушиб кетди. Бугун уч хил маҳсулот — қатиқ, қаймоқ ва сузма тайёрлаяпмиз. Уларни тайёрлаш учун аҳолидан бир кунда 200-250 литр сут харид қиламиз ва уни қайта ишлаймиз. Маҳсулотларимизни турли ҳажмдаги идишларда қадоқлаб, вилотимиздаги бозорларга етказиб берамиз. Асосан, улгуржи тарзида ишлаймиз. Шунинг учун кўпроқ йирикроқ идишларга тўлдирамиз. Талабга қараб қадоқлаб ҳам берамиз. Бу йил тадбиркорлик фаолиятимизни янада кенгайтириш ниятидамиз. Хусусан, пишлоқ ва бринза ишлаб чиқаришни режалаштиряпмиз. Айтиш мумкин, кунларда савдо брендимизни тайёрлаяпмиз. Келгусида ишлаб чиқаришни кенгайтириб, даромадимизни оширмақчиман. Яхши даромад эса, фаровонлик демақдир.

Орзуга айб йўқ, дейдилар. Абдулазизнинг эса, аҳоли

Bir qadam oldinda

истеъмолини қондириш йўлида олиб бораётган изланишлари таҳсинга лойиқ. Ташаббускорлиги ва интилувчанлиги инobatга олиниб, у «Камолот» ёшлар ижтимоий ҳаракати Наманган вилояти кенгаши қошидаги «Ёш тадбиркор» консультатив марказига координатор вазифасига ишга таклиф этилди. Ҳозир у бу ерда тадбиркорликка иштиёқи бор тенгқурларига бизнесга оид зарур билим ва кўникмаларни ўргатиб келяпти. Унинг ташаббуси билан «Ёш тадбиркор» консультатив маркази қошида «Ёш тадбиркор» кафеси очилди.

Абдулазиз Ҳаракатнинг Наманган вилояти кенгаши қошида ташкил этилган «Фидойи ёшлар» клуби координатори сифатида ҳам фаолият юритмоқда. Айтганча, ҳозирда у Наманган муҳандислик педагогика институти талабаси. Ҳам ўқиш, ҳам тадбиркорлик, бу ёқда консультатив марказ. Сиз каби мен ҳам унинг бунча ишга қандай улгураётганига қизиқдим. Бунга у шундай жавоб берди:

— Инсонда иштиёқ бўлса, барча ишни уddалаши мумкин. Мен ҳар бир ишимни вақтга қараб тақсимлаб чиққанман. Дарс бошлангунга қадар аҳолидан сут йиғиб оламан-да кичик корхонамга олиб бораман. Тайёр бўлган маҳсулотларни эса, жойларга етказаман. Асосий ишни ходимларим қилишади. Ҳозирча маҳсулотларимиз кам, лекин келажакда ишлаб чиқариш қувватини сезиларли даражада ошириб, рангбаранг маҳсулотларимиз билан юртимиз бозорларини забот этмоқчиман.

Тенгдошимиз спортга ҳам ошно. У муайтай бўйича Самарқанд вилоятида бўлиб ўтган республика чемпионати ғолиби. Ҳозирда спорт усталигига номзод. Абдулазиз «Келажак овози» кўриктанловининг ғолиби ҳам. Унинг бундай интилишлари Конституциямиз қабул қилинганининг 20 йиллиги арафасида «Ўзбекистон белгиси» кўкрак нишонига муносиб кўрилди.

Рустам ЮСУПОВ,
«Turkiston» мухбири

«Kamolot» ko'zgusi

Ош тайёрлашда аёлларга тенг келадигани йўқ. Лекин тан олиш керакки, агар эркаклар бирор таомни пиширадиган бўлсалар, мазали чиқиши аниқ.

Ўчоқ бошида йигитлар

«Камолот» ЁИХ Наманган тумани кенгаши ташаббуси билан Тошбулоқ sanoat касб-хунар коллежида йигитлар ўртасида «Ошга марҳамат» танлови ўтказилди. Ноанъанавий тарзда ташкил этилган ушбу танловда эллик нафардан зиёд ўқувчи қатнашиш истагини билдирди. Улар ичидан саралаб олинган беш нафар иштирокчи ўз маҳоратини синовдан ўтказди. Ҳали ошхона томонга бўйламаган бу пазандалар тайёр ошни ейишни афзал билган бўлсалар, энди оналарининг кўрсатмаларига асосан, ўчоқ бошида ҳозир нозир бўлишди.

Улар учун бироз мураккаб, бироқ қизиқarli ҳангомаларга бой бўлган танловда информатика йўналиши ўқувчиси Санжар Файзуллаев ғолиб деб топилди. Қолган иштирокчилар ҳам эсдалик совғалар билан тақдирланди.

«Камолот» ЁИХ Чортоқ тумани кенгаши ташаббуси билан туман ИИБ ҳамкорлигида Чортоқ тиббиёт коллежида «Вояга етмаганлар ўртасида ҳуқуқбузарлик ва жиноятчиликнинг олдини олиш» мавзусида давра суҳбати ўтказилди.

Кичик тадбирдан камта хулосалар

Туман ИИБ вояга етмаганлар ўртасида назоратсизлик ва ҳуқуқбузарликнинг олдини олиш профилактика инспектори, капитан М.Қаюмов ҳамда коллежнинг маънавият ва маърифат бўйича директор ўринбосари М.Мамажонов иштирок этиб, ҳуқуқбузарлик ва жиноятчиликнинг келиб чиқиши, унинг аянчли оқибатлари, уюлмаган ёшларнинг бўш вақтларини мазмунли ўтказиш ва назоратга олиш тўғрисида фикр-мулоҳазаларини билдирдилар.

Ойдина РЕЖАББОВЕВА,
Наманган вилояти

Бўка маиший хизмат кўрсатиш касб-хунар коллежида туманлараро «Заковат» интеллектуал ўйинининг туман очиқ чемпионати бўлиб ўтди. «Камолот» ЁИХ Бўка тумани кенгаши ташаббуси билан ташкил этилган ушбу ўйинни республика «Заковат» клуби аъзоси Фурқат Қурбонov олиб борди.

Билимлар баҳси

Интеллектуал ўйинда Бўка туманидан «Fortunates», «Diligent», «Garvard», «Soccer.uz», «Apax», «Oxford», «The Best», «Investorlar» жамоаси, Оққўрғон туманидан «Заковат», «Адолат» жамоаси, Бекобод туманидан «Сайхун» жамоаси, Олмалиқ шаҳридан «Энигма» жамоаси куч синашди. Билимлар беллашувига Бўка тумани ҳокими ўринбосари, туман хотин-қизлар кўмитаси раиси М. Абдулазизова, туман маънавият тарғибот бўлими раҳбари Г. Шодиева, Ҳаракатнинг Тошкент вилояти кенгаши мутахассиси Ж. Жабборов, Вестминстер университети талабаси Ж. Холбоев ҳам таклиф этилди. Икки босқичда ўтган беллашувлар натижасида «Сайхун» ҳамда «Garvard» жамоаси ғолиб бўлди.

Турнир иштирокчилари «Камолот» ЁИХ Тошкент вилояти ва туман кенгашларининг диплом, фахрий ёрлиқ ва эсдалик совғалари билан тақдирланди.

Уфқжон СУЛТОНОВ,
Тошкент молия институти талабаси

Жавоҳир КАРОМАТОВ,
«Turkiston» мухбири

Дунё аҳолисининг ўсиши ҳамда сут ва сут маҳсулотларига бўлган талабнинг узлуксиз ортиб бориши рақобатбардош маҳсулотлар ишлаб чиқаришни талаб этмоқда. Мамлакатимизда ҳам аҳолининг бундай талабини қондириш мақсадида кичик бизнес субъектлари томонидан замонавий технологиялар асосида сут маҳсулотлари тайёрланмоқда. Бунга ёш тадбиркорлар ҳам ўз ҳиссасини қўшмоқда.

ди. Керакли мутахассисларга кўрсатишни ҳам унутмади. Шундан сўнг сутни қайта ишлашга йўналтирилган бизнес режа «Камолот» ёшлар ижтимоий ҳаракатининг «Ёш тадбиркор — келажакка пойдевор» танлов лойиҳасига тақдим этилди. Танловнинг қуйи босқичларидан муваффақиятли ўтиб келган ушбу лойиҳа республика босқичида соҳа мутахассислари томонидан муҳокама этилиб, имтиёзли



Тенгдошимиз Абдулазиз Мўминов ҳам улардан бири. Наманган шаҳрида туғилиб ўсган Абдулазиз истиқлол фарзанди. У мактабни тамомлагач, Наманган шаҳридаги Давлатобод енгил sanoat касб-хунар коллежининг бухгалтерия йўналишида ўқиган. Ҳисоб-китоб илмини эгаллаган Абдулазиз бизнес билан шуғулланишни ўйлади. Хаёлидаги режаларни қоғозга тушириб, яқинларидан маслаҳат сўра-

кредит ажратишга тавсия қилинди. Шундай қилиб, Абдулазиз 2011 йилда «Агробанк» ОАТБ Наманган шаҳар ҳудудий бўлимидан 24 миллион сўм имтиёзли кредит олиб, сутни қайта ишлаб чиқаришни бошлади. Кичик корхонага «Камолот»-«Азизбек» дея ном қўйди. Унга икки нафар тенгдошини жалб этиб, иш билан таъминлади.

Албатта, ҳар бир иш ўзидан бўлавермайди. Тенг-

Тадбиркорга тадбиркор сабоғи зарур

Жуда кўп улугвор, оламшумул ишлар, одатда, бирданига қилиниб қолгандай, «лоп» этиб юзага чиққандай туюлади. Масалан, бугун турли танловларда ғолибликни қўлга киритган тенгдошларимизни кузатиб, шундай хулосага келиш мумкин, агар масалага саёз ёндашсак. Чуқурроқ мушоҳада қилиб кўрганимизда эса, ҳаммаси ойдинлашади.

Олайлик, бугун ўзининг тадбиркорлик фаолиятини бошлаган, керак бўлса, ўзининг фирмасига, корхонасига эга бўлаётган ёшлар бу натижаларга ўз-ўзидан эришмаётганини кўрамиз. Бу, авваламбор, мамлакатимизда хусусий тадбиркорликка йўлнинг очиклиги, унда ёшга эмас, тадбиркорлик салоҳиятига, иқтисодига қаралишининг самарасидир. Зеро, тадбиркорлар ҳуқуқи қонун би-

лан муҳофаза қилинмаса, улар ўз фаолиятларини эркин йўлга қўя олишмаса, бу соҳа ривожланмайди. Мамлакатимизда эса, бу борада улкан ишлар амалга ошириляётир.

Яқинда газетада «Камолот» ёшлар ижтимоий ҳаракати ҳудудий кенгашлари қошида «Ёш тадбиркор» консультатив марказлари борлиги ҳақида ўқидим ва қизиқиб, ана шундай марказларнинг баъзилари билан

Mening taklifim

танишдим. Очиғи, бу мени жуда ҳайратлантирди. Аммо, билишимча, уларнинг ҳаммасига ҳам ўша ҳудудлардаги энг тажрибали тадбиркорлар жалб этилиб, ёшларга ўз маҳоратларидан сабоқ беравермас экан. Тўғри, тадбиркорнинг иши аниқ режа асосида ташкил этилган бўлади. Бироқ ўша консультатив марказлар мутасаддилари бунинг ечимини топишлари мумкин.

Ўйлашимча, жамиятда ўз ўрнига эга, кўпийллик тажриба ва маҳорат соҳиби бўлган тадбиркорлар ёш издошларидан ўз билимларини аямаса керак.

Сизнинг ҳам ҳиссангиз бор

(Давоми, боши 1-бетда)

Шу боламнинг хаёли бўлинмасин, энг яхши кийимларни у кийсин, яхши есин, яхши ичсин, яхши ўқисин, келажакда зўр одам бўлсин, эл-юртнинг юзи бўлсин, дейди ҳар бир ота-она. Тилида айтмайди, аммо қилаётган иши, чекаётган заҳмати тилга кирса, ундан биринчи бўлиб, албатта, шу сўзлар чиққан бўларди. Шоир тўғри айтган: ўзбек болам деб яшайди-да.

Президентимизнинг 2012 йилда мамлакатимизни ижтимоий-иқтисодий ривожлантириш якун-

лари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисида сўзлаган «Бош мақсадимиз — кенг қўламли ислохотлар ва модернизация йўлини қатъият билан давом эттириш» мавзусидаги маърузаси ҳеч бир ватандошимизни бефарқ қолдирмади. Негаки, унда Юртбошимиз мамлакатимизнинг жаҳон ҳамжамиятида тобора юксак мавқе касб этаётгани, давлатимиз ўзининг танлаган йўлидан оғишмай бораётгани, иқтисодий, ижтимоий, маданий ва бошқа кўплаб соҳалар-

да қўлга киритилаётган ютуқлар, энг муҳими, бу ютуқлар замирида халқимизнинг, фидойи халқимизнинг, меҳнат учун ўзини аямаган жонкуяр инсонларнинг заҳмати мужассам эканини таъкидлади.

Ўтган 2012 йил, дарҳақиқат, кўп жабҳаларда эсда қоладиган йил бўлди. Маърузада алоҳида таъкидланганидек, глобал жаҳон иқтисодиётида ҳали-бери сақланиб қолаётган жиддий муаммоларга қарамасдан, 2012 йилда Ўзбекистон ўз иқтисодиётини барқарор суръатлар билан ривожлантиришни давом эттирди, аҳоли тур-

муш даражасини изчил юксалтиришни таъминлади, дунё бозоридаги ўз позициясини мустаҳкамлади.

Буни қўлга киритилган ютуқларнинг рақамлардаги ифодаси ҳам айтиб турибди. Уларни тинглаганда ёки ўқиганда, кўнгил фаҳрга тўлмай илож йўқ. Шу ютуқлар юртимники, мен шу юрт фарзандиман, демак, бу ютуқлар меники ҳам, дейишга, Президентимиз таъкидлагани каби, марралардан гурурланиб, бошимизни баланд кўтариб юришга ҳар биримиз ҳақлимиз, албатта. Аммо шуни ҳам ёдда тутиш керакки, бу ютуқлар, айниқса, биз, ёшларнинг кўзимизни қамаштириб, энг шимариб чиққан йўлимиздан қайтармаслиги ҳам шарт. Зотан, биз ўзимизнинг олаётган билимимиз билан, эришаётган



ютуқларимиз билан, ҳеч бўлмаганда, ота-оналаримиз меҳнатини қадрлай билишимиз билан шу ватаннинг бундан-да юксакроқ марраларни забт этишига, равнақ топишига ҳисса қўшган бўламиз.

Элмурод НИШОНОВ,
«Turkiston» мухбири

Кейс-тренинг усуллари амалда

Шаҳрихон озиқ-овқат саноати касб-ҳунар коллежи туманнинг энг ёш таълим муассасаларидан бири саналади. Туман марказидан 12 километр узоқликда — Абдубий қишлоғида жойлашган мазкур таълим маскани 2008 йилда фаолият бошлаган. 825 ўринга мўлжалланган мазкур коллежда айни кунда 1095 нафар қишлоқ ёшлари саккиз йўналишда таълим олади. Уларга 70 нафардан ортиқ устозлар мураббийлик қилади.



—Коллежимизда дарс самарадорлигини ошириш, таълим сифатини юксалтириш борасида қатор ишлар амалга ошириляпти, — дейди коллеж дирек-

Hademay mutaxassis bo'lishadi

торининг ўқув ишлари бўйича ўринбосари Баҳодир Мансуров. —Жумладан, дарс жараёнларида кейс-тренинг усулларида кенг фойдаланиш бўйича ўқитувчилар кенг қамровли иш олиб бормоқда. Иқтисодиёт фани бўйича Гулмира Мирзаматова, махсус фан ўқитувчилари — Барчиной Минаварова, Ўткирбек Мусаев, Низомиддин Содиков, физика фани бўйича Ниёзмат Қуролов каби интилувчан ўқитувчиларнинг бу борадаги ишлари бошқаларга намуна қилиб кўрсатса арзирли.

Дарсларда илгор педагогик технологияларнинг кенг жорий этилиши ўқувчиларнинг ўтилаётган мавзунини яхши ўзлаштириши, фанларга бўлган қизиқиши ортишида яхши самара беради. Шу билан бирга, ўқувчиларнинг дарсларни ўзлаштиришига қараб, ҳар бир ўқувчи билан алоҳида ишлашни кўзловчи қўшимча дарсларнинг ҳам ташкил этилгани коллеж битирувчисининг ўз соҳаси бўйича етук кадр бўлиши, келгусида иш жойида берилган топшириқларни беҳато бажаришига асос бўлади.

Нодиржон ЮСУПОВ,
«Turkiston» мухбири
СУРАТДА: биология фани ўқитувчиси Гулзийе Рўзиева ўқувчиларга «Қушларнинг ташқи тузилиши» мавзусини тушунтиряпти.

Миллий кутубхонада

«Kamolot» hududi

Яккасарой туманининг бир гуруҳ ёшлари Алишер Навоий номидаги Ўзбекистон Миллий кутубхонасига ташриф буюришди. «Замонавий ўзбек ёшлари ва замон талаблари» лойиҳаси доирасида «Кутубхонага ташриф» мавзусида ташкил этилган ушбу ташриф «Камолот» ёшлар ижтимоий ҳаракати Яккасарой тумани кенгаши, туман ҳокимлиги, халқ таълими муассасалари фаолиятини методик таъминлаш ва ташкил этиш бўлими ҳамкорлигида амалга оширилди. Ёшлар бу ерда кутубхона тарихи, фонди, жаҳон адабиётлари зали ва «Но-



дир», «Ўзбекистон», «Бунёдкор», «Истиқбол», «Тафаккур», «Илм», «Адолат», «Тадбиркор» каби ўқув залларида бўлиб, ҳар бир залнинг бир-биридан фарқи ва аҳамияти ҳамда кутубхона фойдаланувчилари учун яратилган шароитлар билан яқиндан танишди. Ёшлар кутубхонага аъ-

Камолиддин ТўРАЕВ,
«Камолот» ЁИХ Яккасарой тумани кенгаши раиси

Ёшларни ишбилармонликка чорлади

«Камолот» ЁИХ Янгиқўрғон тумани кенгаши тумандаги депутат ва тажрибали агрономлар, фермерлар иштирокида хонадонларда томорқа ерларига экин ва кўчат экиш, иссиқхоналар ташкил этиш юзасидан «Зарбдор» ҚФЙга қарашли «Маданият» маҳалла фуқаролар йиғинида истиқомат қилувчи Алишер Раҳимов хонадонда семинар ўтказди.

Унда туман кенгаши депутати А.Турғунов «Камолот» ЁИХнинг тумандаги 27-мактаб БТ етакчиси Д.Собирова, «Маданият» маҳалла фуқаролар йиғини вакиллари ҳамда 30 нафардан зиёд ёшлар иштирок этишди.

А.Раҳимов хонадонда умумий 12 сотих ер майдонининг 0,4 сотихида иссиқхона ташкил этилган бўлиб, унда, асосан, аҳоли эҳтиёжи учун зарур бўлган кўчатлар, помидор ҳамда 30 тупдан зиёд лимон етиштириб келинмоқда. 2012 йилнинг кузги мавсумида иссиқхонада етиштирилган лимон ҳосилдан 1 миллион сўм ҳамда помидордан 1,5 миллион сўм даромад олинган.

Семинарда хонадон эгаси А. Раҳимов ёшларга томорқадан самарали фойдаланиш, иссиқхона ташкил этиш ва унда кўчат, маҳсулотларни парваришлашнинг сирлари ҳақида гапириб берди.

27-мактаб ўқувчиси Ж.Аҳадов машғулотлардан сўнг ўқувчиларнинг вақтларини мазмунли ўтказиш, имкониятга қараб, ҳар бир хонадонда катта ёки кичик ҳажмдаги иссиқхоналарни ташкил этиш ва унда экин ва кўчат етиштириш борасидаги кўникмаларни ҳосил қилишда семинарда тилга олинган маълумотлар қўл келиши ҳақида ўз фикрини билдирди.

Шундай семинарлар туманнинг бошқа маҳаллаларида ҳам ўтказилмоқда.

Дилбар ТўХТАСИНОВА,
«Turkiston» мухбири

Битирувчи иш билан таъминланади

Mutaxassislik sari

«Ўзбеккўмир» ОАЖ билан Ангрен кўмир саноати касб-хунар коллежи ўртасида мустақкам ҳамкорлик йўлга қўйилган. Аввало таъкидлаш жоизки, Ангрен кўмир саноати касб-хунар коллежи 2009 йилда давлат дастурига биноан капитал реконструкциядан чиқарилгач, 615 ўринли ўзига хос замонавий ўқув биносига эга бўлди. Назарий ва амалий машғулотларни бир маромда олиб бориш учун зарур ўқув воситалари билан жиҳозланди. Ҳозирда 468 нафар ўқувчига қирқдан зиёд ўқитувчи ва ишлаб чиқариш таълими усталарининг сабоқ бераётганлиги коллеж салоҳияти юқориликдан далолатдир.



Айни кунларда битирувчи ёшлар билан уч томонлама шартнома тузиш ишлари олиб бориляпти, дипломолди амалиётларини муваффақиятли ўташ учун тайёргарлик айни авжида.

Этиборли жиҳати шундаки, коллежда йилдан-йилга кадрлар салоҳиятига, бўлажак мутахассисларнинг сифат даражасини оширишга алоҳида аҳамият берилмоқда. Чунончи, коллеждаги мутахассислик фани ўқитувчилари ҳамда ишлаб чиқариш таълими усталари «Ўзбеккўмир» ОАЖда ўз малакаларини ошириб бориляпти. Бундай ҳамкорлик мустақкам билимлар омилига айланмоқда.

— Коллежимиз ўқувчиларини маънавий-маърифий жиҳатдан қўллаб-қувватлашга алоҳида этибор қаратганмиз, — дейди биз билан суҳбатда коллеж директори

Нуриддин Мирзаев. — Асосий мақсадимиз эса, етук ва билимдон юрт фарзандларини камол топтиришдан иборатдир.

Дарҳақиқат, коллежда билимга чанқоқ, пухта хунар эгаллашга интилувчи ёшлар анчагина. Яқинда бўлиб ўтган маърифий тадбирлардан бири аълочи ва жамоатчи, коллежнинг ижтимоий ҳаётида фаол қатнашиб келётган бир гуруҳ ёшларни тақдирлашга бағишланди. Коллеж директори Нуриддин Мирзаев ана шундай ўқувчи-ёшларни қизғин табриклар, уларга маъмурият номидан фахрий ёрлик ва эсдалик совғаларни топширди. Тадбирда ана шундай фидойи ёшлар коллеж фахри эканлиги алоҳида таъкидланди.

Ашуралӣ БОЙМУРОД,
«Turkiston» мухбири

амалиётларининг бевосита «Ўзбеккўмир»да ўтказилиши самарали кечмоқда.

Коллеж битирувчилари дипломолди амалиётларидан сўнг якуний аттестациядан муваффақиятли ўтгач, тўғридан-тўғри иш билан таъминланяпти. Битирувчиларнинг касбий лаёқати, мутахассисликка тайёргарлиги текширилиб, пухта ва мукамал аниқланади. Икки томонлама ҳамкорлик самараси ўлароқ, коллеж битирувчиси иш билан банд қилинади. Дипломолди амалиёти ва якуний аттестациядан муваффақиятли ўтган битирувчилар билан «Ўзбеккўмир» ОАЖ кадрлар бўлими томонидан шу ернинг ўзида шартнома тузилиб, ишга қабул қилинаётганлиги диққатга сазовор.

Ўтган йили 139 нафар ўқувчи коллежни тамомлаган бўлса, ана шу битирувчиларнинг барчаси «Ўзбеккўмир»га ишга қабул қилинди. Айни кунларда ёш мутахассислар тажрибали кончилар ёнида шижоат билан меҳнат қилишяпти. Бу йил 130 нафар ўқувчи коллежни битириш арафасида.

Коллежда юз ўринли ётоқхона, ошхона, замонавий талабларга тўлиқ жавоб берадиган спорт зали ва спорт майдончаси мавжуд. Ўттиздан ортиқ фан ва спорт тўғараклари мунтазам ишлаб турибди. Ана шу тўғаракларга тўрт юздан ортиқ ўқувчилар жалб этилган.

Шуниси эътиборлики, «Ўзбеккўмир» ОАЖ маъмурияти, кўмир саноати мутахассислари коллеждаги ўқув жараёнига доимий равишда амалий ёрдам кўрсатиб келаётир. Корхона томонидан коллежга бевосита олти пайвандлаш ускунаси, замонавий русумдаги 15 та компьютернинг олиб берилганлиги ҳам ҳамкорликнинг ёрқин ифодасидир.

Албатта, бундай ҳамкорлик ёш мутахассисларнинг сифат даражасини таъминлашда муҳим омил бўлмоқда. Зеро, корхона асосий васий ташкилот сифатида коллеждаги ўқув жараёни назарий ва амалий жиҳатдан мувофиқлаштириб бораётганлиги бор гап. Ўқув-амалий ишларнинг, ўқувчилар дипломолди

«Камолот» ёшлар ижтимоий ҳаракати Бешариқ тумани кенгаши қошидаги «Ёшлар ижтимоий хизматлари» марказида икки йўналишда тўртта тўғарак фаолият олиб боради. Марказнинг туман марказида, туман кенгаши билан бир бинода жойлашгани ўқувчилар учун айни муддао. Марказда хунар-мандчилик ва ижодкор ёшлар йўналишлари мавжуд бўлиб, улар доимо ўқувчилар билан тўла. Биргина хунар-мандчилик йўналишида тикувчилик ва тўқувчилик тўғараклари бўлиб, уларнинг ҳар бирида қирқ нафардан ўқувчи гуруҳларга бўлинган ҳолда фаолият олиб боради.



— Тўқувчилик ниҳоятда гўзал, қадимий ва эскирмайдиган қўл меҳнати натижасида яратиладиган санъатлардан бири, — дейди тўқувчилик тўғараги тренери Замира Ғаниева. — Бу санъатни ўзлаштириш ҳам ўқувчидан ўзига яраша сабр ва интилиш талаб қилади. Ўқувчиларимиз дастлаб оддий тўқиш ишларини ўрганиб, қўли мослашади. Кейин эса турли кийим, сумкалар, бош кийимлари ва мураккаб ишларгача ўрганишади. Ўзлаштириши паст бўлган ўқувчилар билан эса,

алоҳида иш олиб бориб, уч ойлик курсни тугатгунга қадар тўқиш ишларини мукамал ўзлаштиришларига эришамиз.

Марказнинг ижодкор ёшлар йўналишида ҳам кимё, биология ва рус тили тўғараклари фаолият олиб боради. Келгусида ҳар икки йўналишда ҳам ишларни янада ривожлантириш, янги йўналишларни қўшиш мўлжалланяпти.

Нодиржон ЮСУПОВ,
«Turkiston» мухбири



Аргентинада «суперқаҳрамон»

Аргентинада «суперқаҳрамон» полиция томонидан қўлга олинди. Ўзига Менганно исмини қўйиб олган 43 ёшли бу кишини юзидаги ниқоби борлиги боис, таниб олиш жуда қийин эди.

Ҳатто мотоциклининг пешойнасига Менганно деб ёзиб олган бу шов-воз 1996 йилга қадар полицияда хизмат қилган Оскар Лефоссе бўлиб чиқди. Ўзи жинойтчилар деб ҳисоблаган одамларга қарата ўқ узаётганида полиция таъкибига учради. Тергов пайтида у турмуш ўртоғи билан сайрга чиққанида айнан шу безорилар уларга ҳужум қилганини, ниқобли Оскар шу йўсинда ўч олмоқчи бўлганини айтди. Айни пайтда у бир қатор айблар билан бирга, лицензия муддати тугаган курулдан фойдалангани учун жазога тортилиши мумкин. 2010 йилдан буён қидирилаётган замонавий «Дон Кихот»нинг сўзларига қараганда, тартибузарликлар, безориликлар унинг газабини келтирган ва у аэрозол, компас, қишан ҳамда фонарча билан шаҳар кўчаларида патруллик қилган.

Боксчи жангдан сўнг вафот этди

Индонезиялик Тубагус Сакти исми ёш боксчи навбатдаги жангдан сўнг вафот этди.

17 ёшли боксчи Жакарта шаҳрида еттинчи жангини ўтказаетган эди. Шу вақтга қадар унинг ҳисобида икки ғалаба, икки дуранг ҳамда икки мағлубият қайд этилган. Жанг вақтида ёш боксчи тушунарсиз ҳаракатлар қилиб, қўлини тепага қўтаради ва шу пайтнинг ўзида рақибидан бир неча зарбаларни қабул қилиб олади. Натижада, ҳушидан кетади. Биринчи тиббий ёрдам кўрсатилиб, шифохонага олиб борилгандан сўнг ҳушига келмаган ёш спортчи миясига қон қуйилиши оқибатида вафот этади.

Эҳтиёт бўлинг: тимсоҳлар!

Жанубий Африканинг тимсоҳлар учун мўлжалланган «Rakwena Crocodile Farm» фермасидан оз эмас, кўп эмас, нақ ўн беш минг тимсоҳ қочиб кетди.

Уларнинг қочиб кетишига тимсоҳлар учун мўлжалланган махсус ҳовуз сувини алмаштираётган вақтдаги хатолик сабаб бўлди. Тимсоҳлардан бир қанчаси тутиб келтирилган бўлса ҳам аксарият қисми қидирилмоқда. Улардан бири 120 километр узоқликдаги регби майдончасидан топилди. Натижада, маҳаллий аҳолини хавфсиз жойларга кўчиришга тўғри келди. ЖАР айни вақтда қўшни Мозамбикка ҳам хабар берган. Чунки тимсоҳлар оч қолган вақтда ҳар қандай йирткич ҳайвондан ҳам хатарли ҳисобланади. Ҳозирча тимсоҳлар ҳужуми ҳақида ҳеч қандай хабар йўқ.

Интернет манбалари асосида Жавоҳир КАРОМАТОВ тайёрлади

Javohir

Алишер Навоий

Юзундек қамар йўқтур, қадиндек шажар йўқтур,
Шажар бўлса ҳам анда лабингдек самар йўқтур.

Кўзум ашқининг рўди оқар тунду тез андоқ
Ки, гар уйқу кўз сари келур ҳам гузар йўқтур.

Отин тутсалар ногаҳ кетар ўйла ҳушумким,
Бадан ичра руҳумдин дегайсен асар йўқтур.

Кўнгул сўрғали келдинг, рафиқо, вале билким,
Ул оворадин сендек менга ҳам хабар йўқтур.

Йўлунгга нисор ашқим агар оз эрур, гар кўп,
Итингга визо кўнглум агар бор, агар йўқтур.

Бу гулшанда, эй деҳқон, неча озмун этдим,
Вафо нахли экканга баҳри ғусса бар йўқтур.

Навоий, фироқингдин анингдек заиф ўлди
Ки, ўрнида эл боқса дегайлар магар йўқтур.



Уста наққош Камолиддин Абдуллаев пойтахтимиздаги Абулқосим мадрасасида ёшларга «Устоз-шогирд» анъанаси бўйича миллий хунармандчилик сирларини ўргатиб келмоқда.

СУРАТДА: Уста наққош Камолиддин Абдуллаев шогирди Абулқосим Баҳодиров билан иш устида.

Сардор МУЛЛАЖОНОВ фотолавласи

Эътибор, нуфуз				Аёллар журналі (Ўзбекистон)				Эски пахта	
Сувнинг кристалл ҳолати	Тун хили						Ўрнак, мисол	Калақа, масҳара	
... шавқ	Кўрса-тиш олмоши						Авто русуми	Эски ҳаммом, эски ...	
Мунозара, тортишув	Фазо, коинот						От бошвоғи	Мисрдаги дарё	Хотин, жувон
				Зухра ... (актриса)	Тунги йирткич қуш	Узунлик улчови	Жан Клод ... Дамм		
Сигарет таркибидagi модда	Нарса, буюм	Байрам, тантана		Юк кўтариш қурилмаси			Юпка мато тури	Миянинг қотади-ган қисми	... жимида
				Илон номи			Исбот ашёси, факт		
	интизом			Тоза эмас, яғир		Хору мушток		Ичра, ора-лаб,	Албания пули
Аввал ... баъдаз калом	Она (шевада)			Балиқ уруғи	Зулф, соч				
				Дарз кетган, тешиқ	Ёз ойи		бир-ликда	Тирик-чилик ... эмас	
Бегуноҳ, айбосиз	була, чипор			шафқат	чавоқ				
				Абу Али ... Сино (аллома)	Муаммо бўлди		Дастлаб	Мартаба, амал	
Жангчи ўраси	Кема қисми	Челак, сатил		Зах, хул		Эътибор, нуфуз			
						Манман-лик, димоғдор-лик	Бино		
Аён, равшан, тушунарли	Ном, от					"... ва Зара (кино)			
							Тағ-туб		
Самовар «бурни»	7-нота					холос			
				Зардуш-тийлар китоби				"... шпа" (дори)	

Тузувчи: Фахриддин Раҳимов

**Машқда қийин бўлсин, майли...**

Футбол бўйича 2014 йил Бразилияда бўладиган жаҳон чемпионати ва 2015 йил Австралияда ўтказиладиган Осиё чемпионати саралаш ўйинларига Ўзбекистон миллий терма жамоаси Бирлашган Араб Амирликларида ҳозирлик кўраяпти. 28 январь куни жамоамиз Россиянинг «Урал» жамоаси билан ўртоқлик ўйинини ўтказиб, Жасур Ҳасановнинг 75-дақиқада урган голи эвазига 1:0 ҳисобида галаба қозонди.

Ўзбекистон миллий терма жамоаси энди 1 февраль куни Озарбойжон миллий терма жамоасига қарши майдонга тушади. Маълумотларга кўра, айти пайтда терма жамоамиз деярли тўлиқ таркиб билан машғулота қатнашяпти. Хусусан, марказий ярим ҳимоячи Азиз Ҳайдаров ҳам 28 январь куни жамоа ихтиёрига келиб қўшилган. Ундан олдинроқ (26 январда) Темур Кападзе, Александр Гейнрих ва Марат Бикмаев ҳам машғулотларга қўшилган эди.

Эслатиб ўтамиз, Ўзбекистон миллий терма жамоаси 2 февраль куни Тошкентга қайтиб, 6 февраль куни Осиё чемпионати саралаш учрашувлари доирасида Гонконг, 26 март куни эса, жаҳон чемпионати саралаш баҳслари доирасида Ливан терма жамоасига қарши майдонга тушади. Мазкур ўйинлар пойтахтимизда бўлиб ўтади.

Элмурод НИШОНОВ,
«Turkiston» муҳбири

YON DAFTARCHANGIZGA

Қаноат қилган киши ҳақиқий давлатманддир.

Демокрит

Turkiston

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон Республикаси Матбуот ва ахборот агентлигида 2007 йил 19 апрелда № 0242 рақам билан рўйхатдан ўтган.

ISSN 2010-6998



91722010699000

Бош муҳаррир:

Ашуров Салим Тўраевич

Тахрир ҳайъати:

Баҳодир Фаниев, Меҳриддин Шуқуров (бош муҳаррир ўринбосари — «Turkiston»), Элмурод Нишонov (масъул котиб — «Turkiston»), Ирина Кочергина (бош муҳаррир ўринбосари — «Молодежь Узбекистана»), Елена Калинина (масъул котиб — «Молодежь Узбекистана»), Рустам Қосимов

Навбатчи муҳаррир:

Юсупов
Рустам
Кўчқорович

Саҳифаловчи:

Рўзиев
Зафар
Хусанович

Газета таҳририят компьютер марказида терилди ва саҳифаланди.

Манзилими: 100083, Тошкент, Матбуотчилар кўчаси, 32.
Телефонлар: (371) 233-95-97.
Реклама бўлими: (371) 233-79-69
e-mail: turkiston@sarkor.uz

«Шарқ» нашриёт-матбаа акциядорлик компанияси босмаҳонасида, А-3 форматда чоп этилди. Ҳажми — 2 босма табоқ.
Корхона манзили: «Буюк Турон» кўчаси, 41.

Буюртма Г-143.
Адади — 15287

Босишга топшириш вақти — 21.00
Топширилди — 21.00
ЎЗА якуни — 21.00

Офсет усулида босилган.

1 2 3 4 5 6